

Init inuutissarsiornermut atorneqartut inigisamilu inuutissarsiummik ingerlatsineq pillugit Namminersornerullutik Oqartussat Nalunaarutaat

Inissialornermut tapersiissuteqartarneq pillugu lnatsisartut peqqussutaani nr. 1-imi 9. april 1992-imeersumi § 2, imm. 2, naapertorlugu aalajangersarneqarpoq:

§ 1. Init inuutissarsiornermut atorneqartussanngorlugit aaqqissuunneqarnissaat inuutissarsiutinullu ingerlatsiffiulernissaat inissiani makkunani Naalakkersuisut akuersissutigisinnavaat:

- 1) Inissialornermut tapersiissuteqartarneq pillugu inatsisartut peqqussutaanni kapitali 3 malillugu tapiiffigineqarlutik Kommunet attartortittakkatut inissialiarisimasaanni.
- 2) Inissialornermut tapersiissuteqartarneq pillugu inatsisartut peqqussutaanni kapitalit 4, 5 aamma 6 malillugit taarsigassarsinikkut inissaliaasimasuni.

§ 2. § 1 malillugu akuersineq taamaallaat pisinnaavoq,

- 1) inissiaq inigisatut pingaartumik atorneqaannassappat,
- 2) inissiap ilaa annikinnerusoq taamaallaat inuutissarsiornermut atorneqassappat,
- 3) isumaqarnarpat inissiaq inigisatut atorneqarnerminit aserfallannerunavianngitsoq, aamma
- 4) akuersineq inissianut eqqaamiunut akornutaasumik kinguneqassanngippat.

§ 3. Nalunaarut atulissaq 1. april 1994-imi.

Namminersornerullutik Oqartussat, ulloq 22. marts 1994

Emil Abelsen

/

Peter Beck

3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut